

NAMIBIA SENIOR SECONDARY CERTIFICATE

FIRST LANGUAGE SETSWANA ORDINARY LEVEL

4110/1

PAPER 1 Reading and Directed Writing

2 hours 30 minutes

Marks 70

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

DITAELO LE TSHEDIMOSETSO GO BAITHUTI

- Kwala dikarabo mo bukaneng e o e neetsweng.
- Kwala Nomore ya Sentera, Nomore ya Gago ya bokwadi le Maina a gago mo bukaneng e o neetsweng.
- Dirisa pene e pududu jwa loapi kgotsa e ntsho.
- O kopiwa gore o seka wa dirisa dipene tsa mebala e e farologaneng kgotsa dipene tse di phimolang fa o fositse.

- Araba dipotso **tsotlhe** ka botlalo.

- Tlhokomela mopeleto o o fosegileng matshwao a puiso, le popego ya dipolelo.
- Maduo a neetswe mo masakaneng [] mo bokhutlong jwa potso nngwe le nngwe.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

KAROLO YA A

Tema 1

Buisa tema e e latelang mme morago o arabe dipotso.

Dikgwetlho tsa megopolo

Thato Komelelo ke mongwe wa batho ba o ka ipelang ka bone mo botshelong. Ka mengwaga e someamabedi pedi (22) moithuti wa Yunibesithi ya Tshwane o bontshitse fa bogole bo sa go thibelele go tswela mo botshelong. Thato yo o neng a belegwe ka leoto le le khutshwane mo go le lengwe o ne a le matlhagatlhaga thata mo komiting ya basha ba bogole e e tlhomilweng.

Puo le dikgang ka ene mo tikologong ya Yunibesithi le baithuti ka ene, e ne e le gore o bone tlotla e ntsi go tswa mo baithuting jaaka ene le ditsala. E e ileng ya gakgamatsa batho ba le bantsi ke maitseo a a rileng go kopana le motho yo a nang le bogole mme a le motlotlo, ka bangwe ba sena tshepo le mabela fa ba bona fa morafe o ba tlhopolola mo go ba bangwe.

Rre Tshepo o bolela fa lebaka le le rotloetsang le mobatlisisi wa Yunibesithiti wa Tshwane a le dirileng gaufinyana le shupa fa baithuti ba nna le maitsholo a a siameng mo digoleng, e bile ba le bantsi ba batla go dula le bone le go kgaoganya dikakanyo le bone, e le mokgwa o o itumedisang mo morafeng.

Thato ke motho yo o buang thata, mo o ipoleletseng le ene gore o batla go fetola megopolo e e mo bathung ya go tshaba batho ba ba nang le bogole. O bolela fa a senke a tsamaya a ikutlwe a tswaletswe kwa ntle kwa Yunibesithing ka ntlha ya bogole jwa gagwe, o bua fa batho ba go sotla ka bogole jwa gago e le fela gore ga ba rutega le go tlhoka kitso le gore go tshwanelwa ke go dirwa ka thata go ruta batho ba Afrika-borwa ka bogole. Se batho ba sa se naganeng ke gore o ka nna segole ka ponyo ya leitlho, e ka nna ka bolwetsi kgotsa ka kotsi.

Rre Tshepo e rile mo dipotsolotsong le Thato a mmotsa go re o ikutlwa jang ka go bona mongwe le mongwe yo o fetang a batla go mo dumedisa ka monyenyo le lorato go tswa kwa boteng jwa pelo. O arabile fela ka gore ke motho yo ratang batho thata le gore o bua thata. O tswelletse ka gore le kamore e a nnang mo go yone e kwa godimo go gaisa tse dingwe, le fa go sena dilifiti e ne o dirisa dithobane le setlhako sa bogole, go mo sephiring le gore o rata go nna a le esi nako dingwe le gore se o se fitlheletseng mo botshelong ke ka mofufutso wa gagwe ga a rate go baya mo bathung go mo thusa. Ka lesego ga senke ke tsamaye ke tlhopololwe mo baithuting ba bangwe ka ntlha ya bogole. Ditsala tsa me ba ne ba nthaya ba re nako dingwe re lebala gore o segole ka fa o leng setswerere ka gone mo dilong dingweng.

Fa ke mmotsa gore fa a fetsa dithuto tsa gagwe kwa Yunibesithing o ka go dira kae. O rile o ratile go ya go dira kwa kantorong ya Tshwane ya batho ba digole kwa o amogelang madi a gagwe a bogole gone kgwedi le kgwedi.

Mabaka a o a ntshitseng o rile go na le ditsela tse di telele tsa go amogela madi, badiri mo dikantorong ga ba itse go bua le batho ga ba tlotle bagodi, bangwe ba basha ba goelesa bagodi, ga gona ditilo bogolo thata go di nela bagodi go dula fa ba ntse ba letetse kgotsa ba o ba ba sa kgoneng go dula, nako dingwe ba letela sebaka se se telele mo mogoteng o o feteletseng.

A bona jaaka e ne a ka tlisa pharologanyo e ntsi mo dilong di tshwana le tse. Ebile a batla go godisa thuto tsa gagwe ka go balela kwa pele a bona PhD a maiteko a mantle e le ruri. O feleditse ka gore batho botlhe ba a lekana le gore ba tshwanetse go tsewa ka go lekalekana.

- 1 Araba dipotso tse di latelang ka go kwala tlhaka e e nepagetseng **A, B, C** kgotsa **D**.
- (a) Thato o bolela fa a senke a tsamaye a ikutlwe a dirileng jang mo kamposeng ya yunibesithi?
- A** Tswaletswe kwa ntle kwa yunibesithi.
- B** Batho ba ne ba sa mo tlotle.
- C** Baithuti ba ne ba mosotlha.
- D** Ba ne ba sa mothuse ka sepe. [1]
- (b) Ipotsoloso ya ga Thato o e feleditse ka mafoko a a reng?
- A** Batho botlhe ba siame.
- B** Batho botlhe ba a lekana.
- C** Batho botlhe ke ditsala.
- D** Batho botlhe ke digole. [1]
- (c) Bogole jwa ga Thato e ne e le jo bo ntseng jang?
- A** Jwa leoto le le khutshwane.
- B** Jwa leoto le le robegileng.
- C** Jwa letsogo le le khutshwane.
- D** Jwa maoto a makhutshwane. [1]
- (d) Go tswa mo temaneng ke dintlha difeng tse batho ba di lebalang fa ba nagana ka bogole. [2]
- (e) Tlhalosa ka mafoko a gago gore ke eng Mokwadi are Thato o tshwanetse a amogelega fela jaaka a ntse. [2]
- (f) Ke eng se se dirileng gore Thato a feleletse a ile go dira kwa kantorong ya Tshwane, ntsha lebaka? [3]
- [10]

- 2** Jaaka moithuti wa bogole yo o atlegileng mo botshelong o kopilwe go ipaakanyetsa puo go tla go bua maitemogelo a gago ka go rotloetsa baithuti ba bogole kwa sekolong.

Kwala ka mafoko a le **200 – 250**.

[20]

KAROLO YA B**Tema 2**

Buisa tema e e latelang ka kelotlhoko gore otle o kgone go araba dipotso tse di latelang.

Ke na le setilo se se nthusang go tsamaya

Go etela kwa mafatshing a mangwe go a ruta ebile go go kopantsha le ditso tse dingwe le batho ba ba botlhokwa. Fa o le mo setilong se se go thusang go tsamaya o kgona go ithulaganya fela jaaka motho yo mongwe le yo mongwe yo o bopegileng sentle a kgona go itsamaisa, ke go nna fela kelotlhoko e ka nna go duela, tekethe, go tsena mo bateng o tlhapa, selo se o ka nnang le tlhotlhomiso ka sone ke go itse fela gore a kwa pele go na le batho ba ba tla go nayang tlhokomelo mo go se o se tlhokang. Bangwe ba ba dirisang ditilo tse di tsamaisang ba na le dikoloi tse di diretsweng bone fela ba kgona go ikgweeletsa ba etela mafatshe a ba a batlang o fitlhela e le gore ba gaisitse ba ba feletseng, ka bangwe ba bone ba ka se kgone go ikgweeletsa. Dikhampani di ba kgontsha go etela gongwe le gongwe ka ditiro tse di farologanyeng ba ba naya ditlhokego tsa bone.

Rre Tshogafatso yo e leng motsamaisa wa maitemogelo a maeto a batho ba ba nang le ditilo tse di thusang go tsamaya le digole are ba leka ka bojotlhe go rulaganyetsa batho ba ba bone. Re ba naya ditaelo tsa di diriswa tse ba ka di dirisang mo lefelong lengwe le lengwe le ba le etelang. Re leka ka bojotlhe go tlhokomologa mafelo a a nang le direpodi. Dikhampani le ba melao le bone ba leka ka thata go nna le dilo tse ba ka di dirisang go se na mathata mo tirisong.

Go bane o fitlhela motho yo o dutseng mo setilo sa bogole e le ene o rutegileng go gaisa batho botlhe mo khampaning e le ene o tshwanetseng go emela khampani mo di kopanong. Matlo a bajanala le one a na le diphaposi tsa digole jaaka ntlwana tsa boithomelo. Dikgoreletsi tse di gone mo bathung ba ditilo le mo bathung ba e seng digole.

Le kwa maema fofaneng a magolo batho ba ditilo tse di thusang go tsamaya ba a thusiwa fa ba le mo maetong, ba ba gorosa le go ba tsamaisa kwa sefofaneng gore ba palame, badiri mo difofaneng le bone ba na le lorato, nako le pelo ya go thusa. Ba kopilwe ke molao go thusa mo go tlhokafala, ke ka moo go leng botlhokwa thata gore fa o itse gore o tsaya loeto ka sefofane o le segole o tshwanetse wa bua le motho yo o itseng ditlhokego tsa digole fa a batla go fofa mo mogaleng.

Batho ba, ba kgona go dira metshameko e tshwana le go tsaya kgaisano ya go thuba lobelo, go tshameka kgwele ya matsogo, go šapa, go thuntsha e le motshameko. Rre Boikobo ka gore a itse fa batho ba, ba rata tlholego ba dirile matlo a bojanala bofefo mo go bone ka dibata tsa go tlhapa, tse di babalesegileng, le tente tsa go robalela, le mo go apeelwang nama kwa-ntle gone. Ba tla thusiwa fela fa e le gore ba tlhoka thuso.

Go na le dilo tse dintsi tse o ka di dirang le tse o ka se di direleng motho yo o dirisang setilo se se thusang go tsamaya, dilo di tshwana le go mo utlwela bothoko, o mo tsaya jaaka motho yo o bobolang, a sa tire sepe, ga go a tshwanela gotlhelele. Go baneng ke bua jang ke ka gore mo temeng go buiwa ka dilo tse dintsi tse motho yo wa bogole o kgonang go di dira a gaisa le ba ba senang bogole. O fitlhele gantsi ebile mo dikhampaning e le bone ba botlhale, ba tsamaisa tiro ka mokgwa o o makatsang wa go godisa khampani ka jalo se banyatseng. Fa o batla thuso o se tshabe go botsa mo go ene, o fitlhela gantsi batho fa ba kopana le motho a kgorometsa motho wa go tshwana le yowa, ba bua fela le yo o kgorometsang ba ngokologa yo o mo setilong, bangwe go ba utlwisa bothoko ka ba bona o kare ga o ba bone. Go tshwana le fa bo emisetsong jwa dikoloi gantsi ba neelwa boemelo jwa bone. O fitlhele batho bangwe bale bogale mo go bone gore ke ka ntlha ya eng ba tseile boemelo jo bontsi jang. Batho bangwe ba ba botsa dipotso tse di masisi go tshwana le “ke eng se dirileng gore o be o dutse mo setilong se o le montle jang, ke ka ipolaya go na le gore ke sotlege jang”. O lebetse gore motho yo ga a swa tlhaloganyo o kgona go ngangisana le wena ka botlhale le go go gaisa.

(Alex Cremer)

- 3 Tshwantsha ditema tsoopedi go shupa fa batho ba ba tshelang ka bogole ba kgona go atlega mo botshelong. **[20]**
- 4 O mogogi wa khampani e e rileng o kgalilwe ke mongwe wa mo bereki wa segole mo tirong yo o dirang tiro ya gagwe ka botswere le go goroga ka nako kwa tirong. O naganne go mmotsa gore o kgona jang dilo tse. Kwala mmuisano magareng ga lona ba ba bedi. **[20]**
- Kwala ka mafoko a le **200 – 250**.

BLANK PAGE

BLANK PAGE